

Cueba ta presenta un anochi cu musica contemporaneo y zonido experimental

ORANJESTAD --Ta un placer pa anuncia cu dia 16 di januari Aruba lo por presencia un anochi artistico cu musica experimental y contemporaneo for di e generacion nobo di artistanan. E anochi lo tuma luga na Cueba cual cu ta conoci como sede di Mascaruba.

Durante e anochi special aki nos lo por presencia un grupo di hoben musico y artistico practicando riba nos isla y algun cual cu a bolbe nos isla pa sigui apoya y stimula cultura y arte contemporaneo

riba nos Isla.

Algun di e artistanan aki:

- Kevin Schuit

Kevin Schuit cual cu ta e organisado di e anochi special aki a termina su estudio na Gerrit rietveld Academie den e specialisacion di audiovisual. Kevin ta un musico multi-instrumental cu ta conoci na Amsterdam pa su banda yama "Nancy Acid" en conhunto cu artista Arubiano yama Efrem Angela. Kevin su trabounan ta enfoca riba musica alternativo conteniendo un elemento visual.



- Natusha Croes

Entre otro nos lo por topa Natusha Croes cual cu ta crea musica cu elemento nan organico, y obhetonan cu por ser haya den nos naturalesa.

- Luis Villegas

Nos lo topa tambe cu luis Villegas cual cu ta mescla musica cu e ta crea ariba su synthesizer cu monologonan crea pa un personalidad virtual yama Council Islands.

Wilfred Jansen

Nos lo tin artista y poeta Wilfred Jansen cu ta crea zonido atmosferico cu ta bay den conhunto cu animacionnan traha pa su mesun persona Ivan Jemaima

Tambe nos lo tin musico y compositor Ivan Jemaima cual lo deleita nos cu piesanan composita riba guitarra y loop station.

Aruba lo por presencia un show multi disciplinario cu elementonan innovativo den e medio di musica y zonido experimental. E evento lo cuminsa 8'or di anochi. Lo

tin un bar surti y entrada lo costa solamente 10,-.

Adress: Dominicanessen-straat #2, Aruba, Oranjestad
Facebook: [https://](https://www.facebook.com/CuebaDiArte/?fref=ts)

www.facebook.com/CuebaDiArte/?fref=ts
Facebook Event: [https://](https://www.facebook.com/events/952416948138851/)
www.facebook.com/events/952416948138851/

